



REPUBLIKA E SHQIPËRISË

PROKURORIA PRANË GJYKATËS SË SHKALLËS SË PARË KRUIJË

## A N A L I Z Ë

### E TREGUESVE KRYESORË TË PUNËS PËR VITIN 2016 TË PROKURORISË SË RRETHIT GJYQËSOR KRUJE

DREJTUAR :  
PROKURORIT TË PËRGJITHSHËM  
Z. ADRIATIK LLALLA

T I R A N Ë

**I nderuar z. Prokuror i Pergjithshem!**

Në mbyllje të vitit 2016 në zbatim të detyrimeve ligjore nëpërmjet këtij materiali Prokuroria e Rrethit Gjyqësor Kruje paraqet arritjet dhe objektivat e realizuar gjatë ushtrimit të ndjekjes penale në fazën e hetimit paraprak dhe në gjykim, kryerjen e detyrimeve të tjera të parashikuara në ligj nga prokurorët dhe oficerët e policisë gjyqësore si dhe analizon treguesit sasiorë dhe cilësorë në përgjithësi dhe në veçanti për secilin prokuror duke përgjithësuar përvojën pozitive, por njëkohësisht duke nënvizuar mangësitë e vërejtura dhe problemet që kanë lindur gjatë këtij viti gjyqësor me synimin e vetëm përmirësimin e vazhdueshëm të këtyre treguesve dhe goditjen në kohë dhe me efikasitet të veprave kriminale në territorin e Rrethit Gjyqësor në të cilin ajo ushtron aktivitetin e saj duke trajtuar me përparësi çështjet më problematike që shqetësojnë komunitetin e këtij rrethi që janë : veprat penale kundër jetës e shëndetit, veprat penale kundër pasurisë, veprat penale në fushën e narkotikeve, veprat penale në fushën e veprimtarisë shtetërore të kryera nga nëpunësit shtetërorë, veprat penale kundër rendit e sigurisë publike, në vecanti ketu ceshtjet që lidhen me prodhimin dhe mbajtjen pa leje të armeve luftarake dhe municionit, kryesisht të lendeve plasese, veprat penale kunder femijeve, martesës dhe familjes, veprat penale kunder mjedisit etj.

Në këtë kuadër, duke zbatuar detyrimin kushtetues si autoriteti i vetëm për ushtrimin e ndjekjes penale, kemi qenë të angazhuar për të kryer një hetim sa më të plotë dhe të gjithanshëm, për të gjitha procedimet e trajtuara gjatë këtij viti, për të ngritur dhe përfaqësuar sa më mirë akuzën në gjykim, për të ekzekutuar në kohë vendimet penale të gjykatave dhe për të mbikqyrur në vazhdimësi vuajtjen e dënimit të të dënuarve, për të bashkërenduar punën me të gjithë aktoret e tjera në përmbushjen e detyrimeve lidhur me mardheniet juridiksionale me autoritetet e huaja etj.

Krahas kësaj, në përputhje me detyrimet e parashikuara shprehimisht në Kushtetutë dhe në ligjin procedural penal jemi përpjekur që në veprimtarinë tonë të respektojmë të gjitha kërkesat e një procesi të rregullt ligjor ndaj personave të dyshuar si autorë të veprave penale duke u garantuar të gjitha të drejtat që iu njeh ligji dhe duke ndërhyrë në të gjitha rastet kur të drejtat e tyre janë cënuar nga organe të tjera.


Për veprat penale të rënda me ndjeshmëri të madhe në opinionin publik e shoqëror te permendura me sipër kemi bërë përpjekje serioze që hetimet t'i përfundojmë shpejt e me cilësi, duke zbatuar një politikë ndëshkimi në përputhje me rëndësinë e faktit dhe efektet për parandalimin e tyre me qëllimin e vetëm për të garantuar një jetë të sigurtë dhe me sa më pak probleme për komunitetin.

Por, pavarësisht kësaj, nga analiza në tërësi konstatohet se ka ende nevojë për të treguar më shumë gadishmëri dhe më shumë profesionalizëm në kryerjen e detyrave tona nga e gjithë trupa e prokurorëve dhe oficerëve të policisë gjyqësore për të vlerësuar me seriozitet çdo njoftim apo kallëzim që marrim nga qytetarët, institucionet dhe çdo burim tjetër i ligjshëm në të cilët konstatohen elemente të veprave penale.


Gjatë këtij viti të cilin po analizojmë kjo Zyrë ka ushtruar ndjekjen penale për **688** procedime nga **648** të vitit 2015 si dhe për **442 (277+ 165)** persona të pandehur dhe nën hetim nga **355** te vitit 2014. Sic shihet keto shifra pasqyrojnë një tendencë rritje të numrit të procedimeve krahasuar me vitin pararendës (+40) por ajo që bie me shumë në sy është rritja në mënyrë të dukshme e personave të proceduar (+87) si autore të këtyre veprave penale.

Në një këndvështrim të përgjithshëm shihet qartë se veprat penale më të përhapura gjatë këtij viti kanë qenë veprat penale kundër rendit dhe sigurisë publike, gjithësej **301** procedime nga të cilat **188** procedime për "Kultivim të bimëve narkotike", parashikuar nga neni 284 i K.Penal, **11** procedime për "Prodhim dhe shitje të narkotikeve", parashikuar nga neni 283 i K.Penal, **37** procedime për "Shkelje të rregullave të qarkullimit rrugor" parashikuar nga neni 290 i K.Penal, **38** procedime për veprën penale "Drejtimi automjeteve në mënyrë të parregullt" parashikuar nga neni 291 i K.Penal, **11** procedime për nenin 278 të K.Penal, krimet kundër pasurisë, gjithësej **177** procedime, krimet kundër veprimtarisë shtetërore gjithësej **38** procedime ku numrin më të madh e zene ato të parashikuara nga neni 248 i K.Penal (Shpërdorimi i detyrës) **16** procedime, veprat penale kundër drejtësisë gjithësej **34** procedime, krimet kundër jetes dhe shëndetit **26** procedime, krimet kundër mjedisit **16** procedime etj.


Më poshtë paraqitet në mënyrë grafike përhapja e veprave penale në rrethin e Krujes gjatë vitit 2016 dhe krahasimin e tyre me vitin 2015 për të parë me mirë tendencat për çdo grup veprave penale.



## Veprat penale krahasuar me vitin 2015 :



Konkretisht, figurat e veprave penale më të përhapura janë si më poshtë:



Hetimet e kryera për këto kategori veprash penale tregojnë se shkaqet e përhapjes së tyre janë të ndryshme, sociale dhe ekonomike, probleme te mosfunksionimit te organeve te qeverisjes vendore dhe organizmave te tjere ligjzbatues, probleme të infrastrukturës dhe edukimit të pamjaftueshëm në respektimin e rregullave të qarkullimit rrugor nga drejtuesit e mjeteve, por edhe nga shtetasit, mosfunksionimi i rregullt i strukturave të ndryshme shtetërore që mbikqyrin veprimtari të palejuara dhe në shkelje të ligjit, etj.


**Në regjistrat** e kësaj prokurorie janë regjistruar për **vitin 2016** gjithsej **688** procedime penale me **442** persona të pandehur dhe nën hetim prej të cilëve **133** kanë qenë të me masë sigurimi “Arrest në burg”.

**Nga viti 2015** janë mbartur gjithsej **229** procedime penale me **50** persona të pandehur nga të cilët **36** të pandehur kanë qenë me masë sigurimi “Arrest në burg”.

**NË TOTAL:**

**Në vitin 2016** duke përfshirë edhe çështjet e mbartura është ushtruar ndjekja penale në hetimin paraprak për **917** procedime penale me **327** persona të pandehur ndër të cilët **169** kanë qenë me masë sigurimi “Arrest në burg”, ndërsa pjesa tjetër janë ndjekur me masa të tjera sigurimi.

Më poshtë paraqitet grafikisht krahasimi mes numrit të çështjeve të përfunduara gjatë vitit 2015 dhe 2016, sipas mënyrës së përfundimit:



**Për vitin 2016** është vendosur mosfillimi për **279** materiale kallezues dhe janë në fazë verifikimi edhe **43** materiale të tjera. Për të gjitha këto raste është treguar kujdesi i duhur që vendimi të merret mbasi të jenë kryer verifikimet e nevojshme dhe brenda afatit të përcaktuar në urdhërin e Prokurorit të Përgjithshëm. Përgjithësisht është respektuar ky afat me përjashtim të disa rasteve kur vonesat kanë ardhur për shkaqe objektive, siç është rasti i vonesave të akteve të ekspertimit kryesisht mjekoligjore etj, por në raste të veçanta edhe për neglizhencë nga oficerët e policisë gjyqësore të ngarkuar për të kryer verifikimet apo edhe nga vetë prokurorët. Mendojmë se politika e ndjekur në rastet e vendimeve të mosfillimit ka shërbyer jo vetëm për të mos harxhuar energji të panevojshme, por edhe për të parandaluar fillimin e ndjekjes penale ndaj personave të cilët në fakt nuk dyshohen të kenë kryer ndonjë vepër penale. Në zbatim të detyrimeve të ligjit procedural penal të gjithë personave të interesuar u janë komunikuar vendimet e mosfillimit duke u dhënë atyre mundësinë për të ushtruar të drejtën e ankimit në Gjykatë.

**Nga procedimet penale të mosfilluara** janë ankimuar në Gjykatë **10** prej tyre. Gjykata ka lënë në fuqi vendimet e mosfillimit në **8** raste dhe **2** raste janë shfuqizuar.

**Gjatë vitit 2016** janë transferuar **12** procedime penale me **16** të pandehur/persona nën hetim. Kryesisht procedimet penale të transferuara janë dërguar në Prokurorinë Pranë Gjykatës së Shkallës së Parë Tiranë, Seksionit për të Mitur, dhe pjesa tjetër në Prokurorinë për Krime të Renda dhe në rrethe për shkak të kompetencës tokësore.

## **HETIMI PARAPRAK**

**Për vitin 2016** treguesit e arrestimeve në flagrancë dhe ndalimeve të kryera ndaj shtetasve të dyshuar si autorë të veprave penale të ndryshme paraqiten si me poshtë:

**Janë arrestuar** në flagrancë nga Policia Gjyqësore **200** persona.

**Është nxjerrë** urdhër ndalimi nga Prokurori për **11** shtetas.

Për **2** persona të arrestuar në flagrancë apo të ndaluar nga Policia Gjyqësore, Prokurori ka disponuar me urdhër për lirim të menjëhershëm. Në Gjykatë janë dërguar për vleftësimin e arrestit apo të ndalimit **211** persona dhe Gjykata i ka vlerësuar të ligjshme të gjitha kërkesat e prokurorit.

Për këta tregues është kërkuar respektimi me korrektesë i kriterëve të përcaktuara në ligjin procedural penal si dhe garantimi i të drejtave të personave që u është hequr liria duke kushtuar një kujdes të veçantë sidomos për respektimin e garancive që u siguron ligji personave të mitur. Në analizën e treguesve bie në sy fakti se të gjitha kërkesat e paraqitura nga prokurori janë vlerësuar të ligjshme nga Gjykata e Shkallës së Parë. Kjo tregon se konsultimi paraprak i oficerëve të policisë gjyqësore që kryejnë arrestet dhe ndalimet me prokurorët e gatshëm që tashme është një normë në aktivitetin tonë ka dhënë rezultatet e dëshiruara.

Prokuroret kane kerkuar caktimin e e mases se sigurimit “ arrest në burg” për 155 persona ndërsa nga Gjykata është caktuar kjo masë vetëm për 135 persona. Përveç sa sipër ne 20 raste është kerkuar nga prokurori caktimi i kesaj mase per persona te dyshuar si autore te veprave penale qe i jane shmangur hetimit kerkesa te cilat jane pranuar edhe nga Gjykata.

### PROCEDIMET PENALE TË PUSHUARA

**Janë pushuar** gjatë kësaj periudhe kohore 120 ( 82 + 38 ) procedime penale nga 192 ( 94 + 98 ) te vitit 2015 ose 12 ceshtje me pak se ne vitin 2015 ( shifrat 38 dhe 92 sipas viteve jane ceshtje te pushuara per efekt te parashkrimit ). Nga keto :

- ✚ 13 procedime jane pushuar për mungesë të faktit penal dhe të elementëve të veprës penale.
- ✚ 29 procedime për mungesë të provave të mjaftueshme.
- ✚ 78 procedime për shkaqe të tjera procedurale.

**Është pushuar** ndjekja penale për 44 persona (në këtë numër përfshihen si të pandehurit ashtu edhe personat ndaj të cilëve janë kryer hetime duke qenë se statusi procedural i tyre është i njëjtë).

**Çeshtjet** e pushuara zënë rreth 10.5% të numrit të përgjithshëm të çështjeve të përfunduara në periudhën 1 vjeçare (në këtë llogaritje nuk përfshihen çështjet e transferuara dhe ceshtjet e pushuara per shkak te parashkrimit ).

**Numri** më i madh i çështjeve të pushuara sic shihet është “*për shkaqe të tjera procedurale*” ndër të cilat vendin kryesor e zënë ato që kanë të bëjnë me heqjen dorë nga ankimi prej të dëmtuarve për ato procedime ku ndjekja penale është e kushtëzuar nga vullneti i tij. Gjate ketij viti jane pushuar per efekt te afateve te parashkrimit edhe 38 ceshtje penale.

Çështjet e pushuara për mungesë të provave zënë 35% të numrit të çështjeve të pushuara dhe nuk kemi asnje rast me persona te arrestuar. Gjithesesi kjo situatë nevojitet te korigjohet mbasi tregon se ne keto raste nuk jane bere perpjekjet e duhura për të provuar akuzat në ngarkim të personave ndaj të cilëve ushtrohet ndjekje penale. Kjo natyrisht kerkon dhe analiza te detajuar jo vetëm me prokurorët e çështjeve, por edhe në Këshillin e prokurorëve me qëllim që vendimet e marra të jenë në përputhje të plotë me ligjin dhe provat e administruara.

Duke analizuar procedimet e pushuara për mungesë të faktit dhe të elementëve të veprës penale, që për këtë vit rezultojnë të zënë 15.9 % të çështjeve të pushuara, konstatohet se pergjithesisht ishte bere kujdes per verifikimin paraprak te materialeve kallezuese dhe një vlerësim i drejtë i fakteve të paraqitura në keto materiale.

**Në vitin 2016** jane ankimuar ne gjykate 3 vendime pushimi. Eshte pranuar ankimi ne te dy raste njeri nga te cilet ishte derguar ne gjyq dhe ka perfunduar edhe gjykimi ndersa tjeteri ishte ende ne hetim. Ne nje rast Gjykata ka lene ne fuqi vendimin e pushimit.



## PROCEDIMET PENALE TE PEZULLUARA

Gjatë vitit 2016 janë pezulluar 432 procedime penale ose 55% e çështjeve të përfunduara , krahasuar kjo me vitin 2015 numri i ketyre ceshtjeve eshte pothuajse i njejte, 10 procedime me pak. Numrin më të madh të procedimeve penale të pezulluara e zënë procedimet për veprën penale të “Vjedhjes” (neni 134 i K.Penal) dhe kryesisht te kultivimit te bimeve narkotike kjo per shkak te kultivimit te ketyre bimeve ne toka pa pronar por edhe per pune te pamjaftueshme nga strukturat e shtetit per identifikimin e parcelave ku kultivohen keto bime , perfshi ketu policine dhe organet e pushtetit vendor.

*Referuar faktit se edhe për këtë vit numri i procedimeve penale të pezulluara ka mbetur pothuajse i njejte duhet pranuar se ka ende mungesë profesionalizmi nga oficerë të Policisë Gjyqësore të caktuar dhe se nuk ka një evidentim të qartë të kontigjentit kriminal. Ky fakt bën që shpeshherë të gjendemi të papërgatitur për të orientuar hetimin në ngjarjet kriminale dhe të mos arrijmë të identifikojmë autorët. Kjo kërkon medoemos një koordinim më të mirë të punës midis strukturave të policisë. Sic theksuam edhe me lart puna ka caluar me shume ne evidentimin e rasteve te kultivimit te bimeve narkotike. Ne mendojme se kjo ka ardhur per mungese te impenjimit te strukturave te policise dhe bashkeveprimit te tyre me organet e pushtetit vendor per ta goditur kete fenomen qe ne fazen e pare te tij , ate te mbjelljes.*

*Në këtë kontekst është e nevojshme dhe rritja e rolit drejtues dhe kontrollues të prokurorit në hetimin paraprak duke qenë me afër policisë në ngjarjet e rënda kriminale, por dhe duke kontrolluar në vazhdimësi ligjshmërinë e kryerjes së veprimeve hetimore nga ana e tyre.*

Në vazhdimësi të punës së mirë të filluar edhe këtë vit janë rifilluar hetimet për disa procedime të vjetra të pazbuluara. Konkretisht per dy raste te vjedhjes se pasurise per te cilat mbas rifillimit te hetimeve jane zbuluar autoret dhe do te dergohen per gjykim. Njekohesisht po punohet intensivisht në bashkëpunim të plotë me Sektorin e Krimeve të Rënda në Drejtorinë e Policisë së Qarkut Durrës për identifikimin e autorëve edhe ne disa ngjarje te renda kriminale si shkaterrim prone me eksploziv, vrasje etj.

## PROCEDIMET E DËRGUARA PËR GJYKIM

Në vitin 2016 janë dërguar për gjykim 262 procedime penale ose 61 procedime më shume se vitin e kaluar, me 304 të pandehur nga të cilët 102 të arrestuar dhe pjesa tjetër të ndjekur me masa të tjera sigurimi. Procedimet penale të dërguara për gjykim zënë rreth 34,5% të numrit të përgjithshëm të procedimeve penale të përfunduara (llogaritja është bërë duke marrë në konsideratë të gjitha çështjet e përfunduara: dërguar gjyqit+të pushuara+të

pezulluara). Pra, rezulton se ky tregues per kete vit ka ardhur ne rritje kjo jo vetem per shkak te rritjes se numrit te ceshtjeve te regjistruara por edhe fale perpjekjeve me te medha te prokuroreve dhe oficerave te policise gjyqesore per te siguruar provat e nevojshme dhe derguar perpara Gjykates autoret e veprave penale.

### **Gjatë vitit 2016 vlen te permenden si procedime te derguara per gjykim:**

- ✚ procedimi penal me numer 24/2016 për vepren penale “Vjedhja me pasoje vdjekje”, parashikuar nga neni 141 i K.Penal, procedim i hetuar nga prokurorja **Mirela Kapo**
- ✚ procedimi penal me numer 137/2016 j ,akuzuar per kryerjen e vepres penale “Vrasje me dashje” parashikuar nga neni 76,22 te K.Penal, procedim i hetuar nga prokurori **Florian Bonjaku**.
- ✚ Procedimi penal me numer 212/2016 për kryerjen e vepres penale “Prodhimi dhe shitja e narkotikeve”, parashikuar nga neni 283/2 i K.Penal hetuar nga prokurorja **Mirela Kapo**
- ✚ Procedimi penal me numer 319/2016, akuzuar per kryerjen e vepres penale “Kultivimi i narkotikeve” , hetuar nga prokurori, **Bujar Çiçi** ne te cilin jane perdorur me shume efektivitet metodat proaktive te hetimit duke identifikuar edhe financuesit e kesaj veprimtarie kriminale.
- ✚ procedimi penal me numer 501/2016, akuzuar per “Vrasje me paramendim: mbetur ne tentative, “Mbajtje pa leje dhe prodhimi i armeve, armeve shperthyese dhe municionit”, “Prodhim dhe shitje te narkotikeve”, “Vjedhje me dhune” ne bashkepunim etj , procedim i hetuar nga prokurori **Bujar Memia**

Duke vlerësuar me seriozitet shqetësimet e ngritura nga qytetarët nëpërmjet kallëzimeve të depozituara prej tyre në prokurori për cenimin e interesave të ligjshme të tyre nga veprimtaria në kundërshtim me përmbushjen e rregullt të detyrës nga nëpunësit shtetërorë, si dhe nga përdorimi i dokumenteve të falsifikuara, kryesisht në përvetësimin e paligjshëm të pronave, por edhe për në abuzimet dhe përfitimet nga lejet e padrejta të ndërtimit, gjatë këtij viti janë regjistruar disa procedime për veprat penale të shpërdorimit të detyrës dhe të falsifikimit të dokumentave, nga te cilat duhet vecuar ceshtja penale ne ngarkim te disa funksionarve te bashkise kruje dhe disa punonjesve te tjere te kesaj Bashkie por edhe administratoreve te firmave private akuzuar per “Vjedhje duke shperdoruar detyren” sipas nenit 135 te K.Penal, “Fallsifikim te dokumenteve” “Shperdorim te kontributeve te dhena nga shteti”, etj me numer procedimi 565/2016 si dhe ceshtja penale ne ngarkim te **disa** personave me funksione drejtuese dhe disa punojseve te tjere te Aeroportit “Nene Tereza” akuzuar per “Shperdorim te detyres” ( ngjarja e vjedhjes me arme te nje shume te madhe lekesh brenda teritorit te aeroportit), me numer procedimi 468/2016.

Po kështu janë dërguar për gjykim edhe mjaft procedime për veprat penale të organizimit të llotarive të palejuara, vjedhjes së energjisë elektrike, për ndertim të paligjshëm, vjedhje të pasurisë, etj.

Nga procedimet e dërguara për gjykim pjesën kryesore e zënë procedimet e regjistruara mbi bazën e materialeve të referuara nga Organet e Policisë së Shtetit, nga qytetarët, dhe në një rast nga organet e kontrollit financiar të Qeverisjes Vendore.

### **Në TOTAL në vitin 2016 :**

**Janë përfunduar 826** procedime me **312** persona të pandehur nga të cilët **122** të arrestuar. (ketu përfshihen edhe 38 procedimet e pushuara për efekt të parashkrimit të veprës penale).

**Kanë mbetur në hetim 131** procedime penale me **14** të pandehur, dhe **35** të arrestuar. Mbartja e një numri të vogël procedimesh ka qënë një objektiv të cilin mendojmë se e kemi realizuar falë një intensiteti më të lartë të punës nga prokurorët sidomos në muajt e fundvitit.

**Objektivi** ynë për çështjet e mbartura është që të përfundojnë brenda tremujorit të parë të vitit 2016.

Është me vend të përmendim se gjatë këtij viti janë konstatuar edhe zgjatje të panevojshme të afatit të hetimit për procedime të caktuara për shkaqe subjektive, pra, për moskryerje të detyrave nga oficerët e policisë gjyqësore dhe mungesë kontrolli nga prokurorët e çështjeve. Fakti që janë zgjatur afatet e hetimeve **mbi tre muaj** për **52** procedime nga 72 në vitin 2015), me **52** të pandehur ose persona nën hetim ,megjithatë ky tregues është në rënie është një çështje që kërkon më shumë vëmendje, më shumë kontroll nga prokurorët e çështjeve, por edhe nga drejtuesi i prokurorisë për të eliminuar zvarritjet dhe për të zgjidhur çështjet brenda afatave procedurale.

Treguesit e punës për secilin prej prokurorëve dhe oficerëve të policisë gjyqësore janë si më poshtë:

Prokurori	Procedime penale të përfunduara	Dërguar në gjyq	Pushuar	Pezulluar	Shpallur moskompetenca	Mosfillime	Mbartur
Sulejman Tola	124	33	18	73	0	26	13
Bujar Çiçi	253	70	42	137	4	46	29
Bujar Memia	188	67	27	91	3	59	18
Florian Bonjaku	122	41	13	66	2	48	31
Mirela Kapo	127	47	17	60	3	75	24
Bardhyl Shehu	12	4	3	5	-	15	16
Totali	826	262	120	432	12	269	131

Eshte per tu theksuar se prokurori **Sulejman Tola** ka qene i ngarkuar me ekzekutimin e vendimeve penale detyre te cilen e ka kryer me korrektese duke urdheruar per vitin 2016 ekzekutimin e 159 vendimeve penale te formes se prere.

**Oficeri i Policisë Gjyqësore Arjan Resnja:**

Ka përfunduar gjithsej **104** procedime, nga të cilat:

5 janë referuar për pushim procedimi.

48 janë referuar për dërgimin e procedimit në gjyq.

28 është referuar për pezullimin e gjykimit.

23 janë referuar për mosfillimin e procedimit.

8 procedim mbeten në hetim.

**Oficeri i Policisë Gjyqësore Rexhep Derveni:**

Ka trajtuar gjithsej **149** procedime, nga të cilat:

24 janë referuar për pushim procedimi.

67 janë referuar për dërgimin e procedimit në gjyq nga keto 23 gjykimi i drejtperdrejt.

15 janë referuar për pezullim.

32 janë referuar për mosfillim procedimi.

11 procedime mbeten në hetim.

**Oficeri i Policisë Gjyqësore Anila Dusha:**

Ka përfunduar gjithsej **38** procedime, nga të cilat:

7 janë referuar për pushim procedimi.

17 janë referuar për dërgimin e procedimit në gjyq.

12 janë referuar për pezullim.

2 procedime mbeten në hetim

### **Oficeri i Policisë Gjyqësore Renato Tushaj:**

Ka përfunduar gjithsej **71** procedime, nga të cilat:  
28 janë referuar për dërgimin e procedimit në gjyq.  
15 janë referuar për pezullim.  
4 janë referuar për pushim procedimi.  
1 është referuar për shpallje moskompetence.  
9 janë referuar për mosfillim procedimi.  
14 procedime mbeten në hetim

### **GJYKIMI**

**Për vitin 2016** ka përfunduar gjykimi për **238** procedime me **283** të pandehur nga të cilët **89** të arrestuar. Kanë mbetur të mbartura në gjykim **51** procedime penale.

**Nga këto 41 procedime** janë gjykuar me gjykim të drejtpërdrejtë ose **15.7 %** te ceshtjeve të derguara për gjykim.

**Për 188 procedime** është zhvilluar gjykim i shkurtuar.



**Për 5 procedime** është zhvilluar gjykim i zakonshëm, nga të cilët **5** janë gjykuar në mungesë.

**Nga prokurori** është kërkuar dënimi me burgim për **133** të pandehur dhe nga Gjykata është caktuar dënimi me burgim për **128** të pandehur.

**Për 28 të pandehur** prokurori ka kërkuar dënimin me gjobë dhe nga gjykata janë dhënë dënime me gjobë për **29** të pandehur.

**Ndërsa nga 100 kërkesa** të prokurorit për pezullim të egzekutimit të vendimit Gjykata ka dhënë këtë lloj dënimi për **102** raste.

Më poshtë paraqiten grafikisht llojet e dënimeve të kërkuara nga prokurorët dhe mënyra se si ka vendosur gjykata.



**Për vitin 2016** është dhene nga Gjykata e Rrethit Gjyqësor Kruje nje pafajesi e plote ose 0.4% të çështjeve të gjykuara. Edhe ne kete rast i pandehuri nuk ka qene me mase sigurimi “arrest ne burg” dhe behet fjale per vepren penale “Largimi nga vendi aksidentit.

**Gjykata** ka vendosur pushimin e procedimit gjatë gjykimit për 3 **ceshtje**.

**Prokurori** ka kërkuar dhe gjykata ka vendosur në **2** raste kthimin e akteve. Te dy keto procedime jane ende ne hetim.

**Për fazën** e gjykimit i është kushtuar rëndësi sigurimit të provave të mjaftueshme për të vërtetuar fajësinë e të pandehurve si dhe diferencimit të llojit dhe masës së dënimit në varësi të veprës penale të kryer.

**Për veprat** penale me rrezikshmëri të theksuar shoqërore, si ato kundër jetës dhe shëndetit, vjedhjet, mashtrimet, marrëdhëniet seksuale me dhunë, shkeljet e rregullave të qarkullimit rrugor, veprat penale në fushën e narkotikëve, etj. kërkesat tona për llojin dhe masën e dënimit kanë qenë të tilla që t'i shërbejnë parandalimit dhe ndëshkimit të këtyre veprave penale. Kjo reflektohet në faktin se gjatë vitit 2016 në rrethin tonë kane ardhur ne ulje verat penale kunder pasurise, verat penale kunder jetes dhe shendetit, shkeljet e rregullave të qarkullimit rrugor, krimet kundee mjedisit etj. Gjithesesi, duke analizuar gjithë treguesit e këtij viti mendoj se është e nevojshme që politika e dënimit të përmirësohet në vijimësi duke e bërë më fleksibël dhe duke e përshtatur me format dhe tendencat e kriminalitetit në rrethin tonë.

**Gjatë vitit 2016** në Gjykatën e Rrethit Gjyqësor Kruje janë depozituar **3** kërkesa për kompensim për burgim të padrejtë te cilat jane duke u gjykuar.

**Gjatë vitit 2016** kanë qenë **13** rastet kur prokurorët kanë apeluar vendimin e Gjykatës: në 3 raste kundër vendimeve të pushimit te ceshtjes dhe 10 raste per lloj dhe mase denimi.

Nga rastet e ankimuara ne tre raste ankimi eshte pranuar dhe rastet e tjera jane ne gjykim.

**Është ushtruar** e drejta e ankimit edhe kundër vendimeve për masat e sigurimit në **3** raste te cilat nuk jane pranuar nga Gjykata e Apelit.

**Gjithashtu** janë ushtruar nga prokurorët edhe **5** apele kundërshtues për shkaqe të ndryshme. Këto akte kanë pasur një ndikim pozitiv mbasi u kanë prerë rrugën apeleve të pabazuara të të pandehurve ndaj vendimeve gjyqësore të shkallës së parë.

## EGZEKUTIMI I VENDIMEVE PENALE

**Prokuroria e Rrethit Gjiqësor Kruje** gjatë kësaj periudhe kohore ka kryer edhe detyrimet procedurale në fushën e egzekutimit të vendimeve penale. Prokurori **Sulejman Tola** i ngarkuar me këtë detyrë ka urdhëruar egzekutimin e **159** vendimeve gjyqësore të formës së prerë.

**Prej tyre:**

**Janë nxjerrë 42** urdhëra për egzekutimin e vendimeve me burgim te cilet jane egzekutuar.

**Janë nxjerrë 19** urdhëra për egzekutimin e vendimeve me gjobë nga te cilet jane egzekutuar vetem 3 urdhëra.

**Janë nxjerrë 98** urdhëra për dënimet alternative të cilët rezultojnë të jenë egzekutuar teresisht.

**Janë nxjerrë 191** urdhëra për egzekutimin e vendimeve të Gjykatave për shpenzimet procedurale nga te cilat jane egzekutuar **41, 18** urdhëra jane pezulluar dhe **3** urdhëra egzekutimi jane transferuar, te tjeret jane pa egzekutuar.

**Gjithashtu** janë kryer edhe detyrimet e tjera që lidhen me ankimet e palëve në Gjykatë gjatë fazës së egzekutimeve. Problem mbetet ende egzekutimi i dënimeve me gjobë, kjo kryesisht për shkaqe objektive (pamundësinë e pagimit të tyre nga personat e dënuar), por në ndonjë rast edhe për moskryerje të detyrës nga organet përmbarimore.

Po kështu gjatë këtij viti janë shqyrtuar edhe **63** kërkesa të denuarve për lirim parakohe me kusht, qëndrim në shtëpi, lirim për shkak sëmundje etj nga te cilat janë pranuar **6** kërkesa, janë rrefuzuar **8** dhe pushuar **34** kërkesa të tjera janë mbartur për llogari të vitit 2017. Janë egzekutuar **5** leterporosi nga jashtë shtetit, kryesisht nga autoritetet kosovare, është realizuar një ekstradim nga jashtë shtetit i denuari **E.Ç** një ekstradim për jashtë shtetit i denuari **I. D**, janë bërë dy njohje vendimi të gjykatave të huaja. Janë nxjerrë **15** urdhëra për kerkim nderkombetar dhe janë hequr nga kerkimi nderkombetar **6** persona.

## VEPRIMTARIA ADMINISTRATIVE

**Gjatë vitit 2016** vijoi kryerja e detyrave në përputhje me ligjin organik dhe Udhëzimin e Përbashkët të Prokurorit të Përgjithshëm me Ministrin e Brendshëm për funksionimin e Policisë Gjyqësore. Nga përvoja e deritanishme rezulton se me gjithë ndikim pozitiv të këtij Udhëzimi janë hasur pengesa në implementimin e tij. Kjo lidhet me transferimet e shpeshta të oficerëve të policisë gjyqësore që ka ndikuar në cilësinë dhe shpejtesinë e hetimeve si dhe vonesa për një kohë të pa justifikuar e akteve të ekspertimit kimit të bimeve të dyshuara si bime narkotike gje që ka sjelle zvarritje të hetimeve. Gjithsesi referuar vitit të kaluar situata këto vit ka qenë me e përmirësuar dhe falë kontakteve të ngushta që janë vendosur mes drejtuesve të dy organeve shpresojmë që këto mangësi të minimizohen.



Kete vit eshte realizuar nje bashkëpunim më i mirë me Zyrat Rajonale të Drejtorisë së Policisë Durrës vecanerisht ne Zyren Kunder Narkotikeve dhe rezultatet e arritura kane qene shume me te mira.

**Gjatë vitit 2016** eshte treguar kujdes per te trajtuar me seriozitet shqetësimet e ngritura nga palët në proces apo qytetarët është kërkuar në vazhdimësi që prokurorët të jenë korrekt me qytetarët, me vartësit, me kolegët, të ruajnë një figurë të pastër etiko-morale duke i shërbyer në radhë të parë vetes, por edhe ruajtjes së një imazhi të pastër të Institucionit. Gjate ketij viti nuk rezulton qe ndaj prokuroreve apo oficerëve te policise gjyqesore te jete marre ndonje mase disiplinore apo perfshirje te tyre ne veprimtari te paligjshme.

**Është** me vend të theksojmë edhe përkushtimin e treguar nga personeli administrativ i kësaj prokurorie, kryesekretari, sekretaret dhe nepunesja e pastrimit dhe shoferi, puna e të cilëve ka qenë mbështetje e rëndësishme për prokurorët dhe oficerët e Policisë Gjyqësore në ushtrim të detyrës së tyre, por edhe për qytetarët të cilëve u janë ofruar shërbime administrative të cilësisë së lartë. Jane shlyer te gjitha detyrimet financiare per vitin 2016. Për të gjitha rastet e gadishmërisë dhe mbikohës së punës të cilat janë evidentuar në menyrë të plotë punonjësit e kësaj Prokurorie janë paguar.

**Nga analiza** në tërësi e elementëve që u përmendën më lart, për të ardhmen prioritetet tona kryesore do të jenë:

1. Përfundimi brenda tremujorit të parë të vitit **2017** të të gjitha çështjeve të mbartura nga viti **2016**.
2. Vazhdimi i ndjekjes me përparësi të procedimeve penale kundër pasurisë, si vjedhjet e banesave, lokaleve, automjeteve, mashtrimet, veprat penale në fushën e krimit ekonomik dhe korrupsionit, abuzimit me detyrën të nepunësve shtetërorë, veprat penale kunder jetës, shëndetit, veprat penale kunder femijeve, martesës dhe familjes me objekt te vecante veprat penale kunder dhunes ne familje , veprat penale kundër rendit dhe sigurisë publike, në veçanti shkeljet e rregullave të qarkullimit rrugor dhe çdo lloj forme tjetër të krimit që konsiderohet shqetësuese për komunitetin ku ushtrojmë detyrën.
3. Rritja e përpjekjeve nga prokurorët për të bërë të mundur rritjen e koeficientit të zbulueshmërisë së veprave penale, përmirësimi i treguesve të pafajësisë, ndryshimit të pamotivuar të cilësimit ligjor të veprave penale, aplikimin e një politike penale të ndëshkimit të fajtoresh që t'u përgjigjet nevojave të një lufte sa më efikase kundër kriminalitetit.
4. Ndjekja në vazhdimësi e çështjeve për ngjarje kriminale të rënda të pezulluara në vitet e mëparshme, në bashkëpunim të ngushtë me shërbimet policore me qëllim për të mos lejuar askënd t'i shpetojë ndëshkimit ligjor për veprat e kryera.
5. Rritja e funksionit drejtues dhe kontrollues të prokurorit në hetimet paraprake të kryera nga Shërbimet e Policisë Gjyqësore.
6. Standartizimi i praktikave për zgjidhjen përfundimtare të çështjeve penale, masave të sigurimit dhe atyre të denimit duke u bazuar mbi praktikën e

meparshme dhe duke pasur si qellim nje trajtim te drejte dhe te barabarte te shtetasve.

7. Përmirësimi i organizimit, drejtimit dhe kontrollit brenda organit të Prokurorisë ne perputhje me Ligjin nr.97/2016 “Per organizimin dhe funksionimin e Prokurorise ne Republken e Shqiperise”, si dhe “Rregullores Standarte te Organizimit dhe Funksionimit te Prokurorive te Juridiksionit te Pergjithshem” për tu pershtatur me ndryshimet e ketj ligji me synimin per t’ju përgjigjur në kohë dhe me cilësi kërkesave të luftës kundër kriminalitetit, forcimit te diplines se brendshme dhe te vullntetit per te identifikuar cdo lloj problematike brenda organit dhe per ta goditur ate perpara se te ndodhe.
8. Respektimi i detyrimeve të ligjit procedural penal, rekomandimeve te Keshillit te Ministrave per luften kunder kriminalitet dhe Udhëzimeve të Prokurorit të Përgjithshëm ne kete drejtim.
9. Krijta e profesionalizmit të prokurorëve dhe ruajtja e një figure morale të pastër jashtë çdo ndikimi per te perfaqesuar ne menyre dinjitoze Institucionin ne raport me publikun, brenda dhe jashte orarit te punes.

**DREJTUESI I PROKURORISË**

**PETRIT ÇANO**